



Istinomjer Zastone <istinomjer@zastone.ba>

Upit portala Istinomjer

Grad Bosanska Krupa <gradbosanskakrupa@gmail.com>
To: Istinomjer Zastone <istinomjer@zastone.ba>

Wed, Jun 29, 2022 at 2:58 PM

Poštovani,

dana 29.04.2022. godine objavljen je otvoreni postupak nabavke radova – Izgradnja sportske dvorane u gradu Bosanska Krupa – I faza na Portalu javnih nabavki. Tendersku dokumentaciju preuzelo je ukupno 28 ponuđača, a do doznačenog roka za prijem ponuda na protokol Ugovornog organa blagovremeno je pristigla jedna ponuda, ponuđača d.o.o. „KOV-GRAD“ Bužim. U formalno-pravnom smislu ponuda je bila potpuna i ispravna, a cijena ponude bez PDV-a iznosila je 1.386.550,20 KM.

Procijenjena vrijednost radova je iznosila 850.832,40 KM bez PDV, odnosno 995.473,91 KM sa PDV-om. Budžetom grada Bosanska Krupa za 2022.godinu za izgradnju sportske dvorane planirana su sredstva u iznosu od 995.900,00 KM, što je prema tadašnjim cijenama na tržištu bilo dovoljno za realizaciju I faze.

S obzirom da je cijena jedine prihvatljive ponude bila znatno veća od procijenjene vrijednosti i osiguranih sredstava za predmetnu nabavku, prijedlog Komisije je bio da shodno članu 69. stav (2) tačka e) Zakona o javnim nabavkama, Ugovorni organ poništi postupak nabavke. Uvažavajući prijedlog Komisije, a u skladu sa članom 69. stav (2) tačka e) Zakona o javnim nabavkama, Ugovorni organ je poništio predmetni postupak javne nabavke. U prilogu e-maila Vam dostavljamo primjerak Odluke o poništenju postupka nabavke, a isti možete naći i na web stranici gradbosanskakrupa.ba.

Obzirom da je došlo do povećanja cijena u svim sferama društva, čemu smo svi svjedoci, ponovilo se ispitivanja tržišta i utvrdilo da je u odnosu na prethodnu procijenjenu vrijednost radova potrebno izdvojiti dodatna sredstva za I fazu izgradnje sportske dvorane, te je dana 15.06.2022.godine održana sjednica Gradskog vijeća Bosanska Krupa na kojoj je usvojena Odluka o izmjenama i dopunama Budžeta grada Bosanska Krupa za 2022.godinu, gdje je iznos planiran za izgradnju sportske dvorane uvećan za 400.000 KM, te sada iznosi ukupno 1.395.900,00 KM. U prilogu Vam dostavljamo tabelarni prikaz iz Budžeta za navedenu stavku koja se nalazi pod ekonomskim kodom 821211.

Nakon što su u Budžetu Bosanske Krupe za 2022.godinu osigurana dodatna sredstva za I fazu izgradnje sportske dvorane, pripremljena je nova tenderska dokumentacija i ista će biti objavljena na Portalu javnih nabavki do petka, 01.07.2022. godine.

S poštovanjem,

Ernes Halilović

[Quoted text hidden]

--

Grad Bosanska Krupa

<http://gradbosanskakrupa.ba/>

Telefon: +387 (0)37 961 471

E-mail: gradbosanskakrupa@gmail.com

2 attachments

Rebalans Budžeta - Dvorana.jpg
394K

